

**Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Meditationum evangelicarum volumen tripartitum**

**Creidius, Hartmann**

**Francofurti ad Moenum, 1682**

Exegesis

[urn:nbn:de:bsz:31-122776](#)

Elisabeth Spiritus S. O beata conversatio! quæ tribus fere mensibus duravit in amica jucunditate, & jucunda unanimitate.

Videbimus ipsam historiam, quæ tria membra complectitur:

- I. *Mariæ itinerarium.*
- II. *Amicabile colloquium.*
- III. *Dulcissimum canticum.*

J.J.

## EXEGESIS.

Institutum est præsens hoc festum anno ICHristi 1441. in concilio Basiliensi, sub Eugenio Pontifice, in honorem B. Mariæ Virginis, quam invocandam statuit, ut sicut olim pedibus suis montes conculcaverat: Ita Turcam viribus suis conculcet, qui eo tempore magno successu contra Christianos bella gerebat. Felicem quidem res hæc primò eventum habuit, dum anno sequente Hunniades Heros præstantissimus aliquoties Turcam vicit & Amurathem eò coëgit, ut pacem peteret à Ladislao Ungarorum Rege. Tandem verò pacem frangere iussit Eugenius, & Ladislaus à perfidia absolvit, quo factum est, ut Ladislaus bellum innovans gravi clade occumberet anno 1443. & decennio post Constantinopolis caperetur. Ita Deus punivit & perjurium & idolatriam.

Nos alio fine hoc festum celebramus:

1. *Tanquam festum gratiarum actionis,* quo magnalia, quæ nobis in filio suo Pater celestis exhibuit, gratia mente agnoscimus & deprædicamus.

2. *Tanquam festum informationis,* quo exemplum pulcherrimum virtutum omnibus hominibus, in primis verò sexui fœminæ ad imitationem propositum intuemur.

3. *Tanquam festum consolationis,* quo beneficia Mariæ exhibita nobis quoque ap-

plicamus, & fidem nostram sub cruce iisdem confirmamus, ut ipsa docebit *ex iis* circumstantiarum, quibus iter Mariæ à Luca describitur. Occurrit enim

1. *Tempus,* quando suscepit iter suum, nimirum in diebus illis, ut inquit Evangelista, per quos intelliguntur dies conceptio-nis, nuncium Mariæ ab Angelo allatum proximè insecuri, quod veterorum præcedentium cohærentia evidenter docet. Quia enim Angelus hoc ipsi signum dederat ut facilius crederet, quod Elisabetha cognata non sterilis tantum, sed etiam effœta, itidem Dei benedictione gravida sit, itine-re sati longinquò novendecim (alii plura numerant) vel circiter milliarium fidei suæ confirmationem acquirit, & hoc suo exemplo nos quoque hortatur, ut occasiones fidei confirmandæ divinitus monstratas nequaquam prætermittamus. Quemadmo-dum enim lucerna nutritur oleo, & ignis ligno: Ita fidei lux nutrita est verbis pæfæcti meditatione & Sacramentorum ad-ministratiōne, quæ omnia ad fidei nostræ confirmationem divinitus instituta sunt, Rom. 4. v. 11. Rom. 10. v. 17.

2. *Locus.* Nam abiit in montana in ci-vitatem Judæ. Fuit hæc civitas Hebron, ut ex Jol. 15. v. 13, colligi potest, & sita est in vicinia illius loci in quo olim habitarunt S. Patriarchæ, Gen. 35. v. 27.

Præbet hæc circumstantia pulcherri-mam meditationem. Sanctis Patribus in isto loco repetita erat promissio de semine, in quo benedicendæ erant omnes Gentes, Ge. 26. v. 4. Jam in eodem loco conveniunt Maria & Elisabeth, & testantur, promissio-nem illam impletam esse. Ita Deus differt quidem suā promissionem, sed quod differt nō aufert. Proinde si morā fecerit Dominus,

Ccc

expe-

expecta illum, veniens veniet non tardabit,  
Hab. 2. v. 3. Interim cum Maria ad mon-  
tana consendamus, oblivious quæ re-  
trò sunt, & cœlestia appetentes. Hi facile  
obtinent petitiones cordis sui, Ps. 37. v. 4.

3. *Modus*, quomodo iter suum perfe-  
rit, nimurum *μήτρα σπεύδης*, cum festinatio-  
ne. Solent alias mulieres initio conceptionis  
plurimas sentire molestias, sed Maria eo  
tempore magnâ alacritate consendit mon-  
tana, quia sine peccato conceperat, & por-  
tabat tale onus, à quo ipsa portabatur. Fe-  
stinare eam faciebat Spiritus Sanctus, cuius  
ipsa erat templum. Spiritus Sancti autem  
gratia nescit tarda molimina, sed agit quos  
inhabitat, ut pietatis opera ferventer exe-  
quantur, Rom. 8. v. 14.

De virginibus Israelicis conqueritur  
Deus Esa. 3. v. 16. quod pedibus suis compo-  
sito gradu incederent. Nulla hic pompa,  
nulla *φαντασία*, Act. 25. v. 23. pro comi-  
tibus haber angelos, pro ornatu charitatem,  
humilitatem, verecundiam ac industriam.  
Sequantur nostræ virgines hoc potius ex-  
emplum Mariæ, quam Dinæ, Genet. 34.  
v. 1. seqq.

4. *Scopus*, qui duplex

1. *Salutatio*. Nam cognatam Elisa-  
betham salutasse dicitur, quod & nos imi-  
tari decet, juxta Matth. 10. v. 12.

2. *Ministratio*. Inde sub finem Evan-  
gelii dicitur, quod manserit cum Elisabetha  
cognata sua circiter tribus mensibus. Sine  
dubio hoc tempore grata ipsi præstit servit  
ia in rebus œconomicis, quia Zacharias  
mutus erat, & ipsa provectionis ætatis ne-  
gotia domestica pro dignitate administrare  
non poterat. Postea vero, cum adveniret  
tempus partus Elisabethæ, & magna homi-  
num multitudo ad ejus ædes confluxura es-

set, ex virginali pudore iterum reversa est in  
domum suam. Unde non solum humilitas  
Mariæ eluebit, sed summa etiam officio-  
ritas, quam omnes Christiani merito imita-  
ri debent, ut per caritatem alter alteri in-  
serviat, juxta præceptum Pauli, Gal. 5. v. 13.

5. *Effetus*. Statim enim ad salutationem  
Mariæ infans in Elisabetha præ gaudio exultat.  
Hæc exultatio non fuit motus natura-  
lis sed supernaturalis ab ipso Spir. S. profe-  
ctus, ut ostendit oratio Elisabethæ, qua  
exultationem illam tanquam effectum salu-  
tionis Mariæ allegat.

Colligimus inde, Sp. S. etiam in infantib-  
us accendere lucem fidei. Anabaptistæ  
& Calviniani idem nolunt credere quod in-  
fantes fidem habeant, quia verum rationis  
usum non habent. Sed qualis usus rationis  
in Johanne B. in utero matris adhuc delite-  
scente, qui præsentiam Salvatoris sui agno-  
scit, & præ gaudio exultat? proinde ratio  
non obstat, quod minus infantes credere pos-  
sint. Imò quia ratione nondum uti pos-  
sunt, idem Spiritus Sanctus fidem in ipsis fa-  
cilius accendere potest, quæ est rerum non  
apparentium, Ebr. 11. v. 1. & rationem non  
attendit, sed captivari jubet sub obsequi-  
um Christi, 2. Cor. 10. v. 1. siquidem ex ore  
infantium & lactentium Deus sibi laudem  
perficit, Psalm. 8. v. 3.

### De Secundo.

A *Micabilis Colloquii*, tres sunt partes:  
I. *Colloquentium autoritas*, nimurum  
conveniunt hic duæ eximiæ & præstantissi-  
mæ feminæ, Maria & Elisabetha, quarum  
illa filium Dei, hæc præcursum ejus Jo-  
hannem Baptistam in utero gestabat, contra  
naturæ ordinem, siquidem illa virgo adhuc  
erat illibata, hæc vero sterilis & effeta nihil  
hæc-